



ჯანმრთელობის დაცვის და სოციალურ საკითხთა
კომისიის სხდომის ოქმი № 21

29 იანვარი, 2019 წელი
13:00 საათი

(ბიუროს ოთახი)

სხდომას ესწრებოდნენ ჯანმრთელობის დაცვისა და სოციალურ საკითხთა
კომისიის წევრები:

1. გიორგი ბირბიჩაძე;
2. გიორგი დოხტურიშვილი;
3. ნინო ლაცაბიძე;
4. ვლადიმერ მნელაძე;
5. დათო ჟღენტი;
6. ფრიდონ ინჯია;

მოწვეული სტუმრები: გელა ჩივიაშვილი-ჯანდაცვის და სოციალური მომსახურების
საქალაქო სამსახურის უფროსი.

სხდომის დღის წესრიგი:

- ქალაქ თბილისის მუნიციპალიტეტის მერიის ჯანდაცვის და სოციალური მომსახურების
საქალაქო სამსახურის 2018 წლის შედეგების განხილვა.

სხდომას თავმჯდომარეობდა ჯანმრთელობის დაცვისა და სოციალურ საკითხთა კომისიის
თავმჯდომარე გიორგი ბირბიჩაძე.
გიორგი ბირბიჩაძე მიესალმა დამსწრე საზოგადოებას და სხდომა გახსნილად გამოაცხადა.
კომისიის წევრებს და მოწვეულ სტუმრებს წარმოუდგინა ქვორუმი და გააცნო დღის წესრიგი.
ჯანმრთელობის დაცვისა და სოციალურ საკითხთა კომისიის წევრთა მიერ მოწონებული იქნა
და დამტკიცდა სხდომის დღის წესრიგი.

მომხსენებელმა გელა ჩივიაშვილმა წარმოადგინა საანგარიშო პერიოდის (2018 წელი) ანგარიში
ჯანმრთელობის დაცვისა და სოციალური უზრუნველყოფის პროგრამების ფარგლებში:

დაავადებათა სკრინინგი (06 01 02)

ქვეპროგრამის ფარგლებში კიბოს ადრეული გამოვლენის მიზნით, ქ. თბილისში რეგისტრირებულ საქართველოს მოქალაქეებს (მ.შ. იძულებით გადაადგილებული პირები, რომელთაც სსიპ – „სახელმწიფო სერვისების განვითარების სააგენტოს ბაზაში რეგისტრაციის ადგილად უფიქსირდებათ ქალაქი თბილისი) უტარდებათ შემდეგი სახის სკრინინგული გამოკვლევები:

- ✓ მუშუს კიბოს სკრინინგი 40-70 წლის ასაკის ქალებში;
- ✓ საშვილოსნოს ყელის კიბოს სკრინინგი 25-60 წლის ასაკის ქალებში;
- ✓ პროსტატის კიბოს სკრინინგი 50-70 წლის ასაკის მამაკაცებში;
- ✓ კოლორექტალური კიბოს სკრინინგი 50-70 წლის ორივე სქესისათვის;
- ✓ ფარისებრი ჯირკვლის კიბოს გამოკვლევები 25-70 წლის ჩათვლით ასაკის ქალებში (პილოტური პროგრამა ამოქმედდა 2018 წლის პირველი იანვრიდან)

დაავადებათა სკრინინგის პროგრამის“ ფარგლებში მომსახურება გაეწია 50 281 პირს

გადამდებ და არაგადამდებ დაავადებათა ეპიდემიოლოგიური კონტროლის პროგრამა (06 01 03)

2018-2019 წლის გრიპის სეზონი დაიწყო 1 ოქტომბრიდან და 31 დეკემბრის ჩათვლით დარეგისტრირდა გრიპისა და გრიპის მსგავსი დაავადებების 45 578 ამბულატორიული და 2 753 ჰოსპიტალური შემთხვევა.

ზემოაღნიშნულ თვეებში განხორციელდა ვაქცინების მიღება, შენახვა და გაცემა იმუნიზაციის სახელმწიფო პროგრამაში მონაწილე დაწესებულებებში, ასევე აღნიშნულ პერიოდში განხორციელდა ცხოველთა მიერ დაზარალებული მოსახლეობის ეპიდზედამხედველობისა და კონტროლის ღონისძიებები, მგზ+ ავადმყოფებთან, ეპიდანამნეზის შემდეგ, კონტაქტში მყოფი პირების გამოვლენა და მათი მიმართვა შესაბამის ფტიზიატრიულ სამსახურში, ტუბერკულოზით დაავადებულ ყოფილ პაციენტებზე ეპიდგამოკვლევა. აღირიცხა და შესწავლილ იქნა ტეტანუსის 2 შემთხვევა (28 და 82 წელი).

„გადამდებ და არაგადამდებ დაავადებათა ეპიდემიოლოგიური კონტროლის დაფინანსების პროგრამის“ ფარგლებში 30 082 შემთხვევა დაფიქსირდა;

„აუტიზმის სპექტრის დარღვევის მქონე ბავშვთა აბილიტაციის პროგრამის“ მოსარგებლე ბავშვთა რაოდენობა წლის ბოლოსთვის იყო 840 ბავშვი;

„C ჰეპატიტის დიაგნოსტიკის პროგრამით“ ისარგებლა 3 647-მა პაციენტმა, აქედან დიაგნოსტიკური გამოკვლევა ჩატარდა 568-ს, ხოლო მონიტორინგი – 3 079-ს

2018 წელს ჯანმრთელობის დაცვის პროგრამებს დაემატა 2 კომპონენტი:

გაფართოვდა „ტრანსპლანტაციის“ პროგრამა. ღვიძლის გადანერგვის საჭიროების მქონე პაციენტებისთვის ღვიძლის ტრანსპლანტაციის დაფინანსება დაიწყო. კერძოდ, პროგრამის ფარგლებში გაიცემა ვაუჩერი, რომლის ღირებულება შეადგენს 60 000 ლარს. მომსახურების მიმწოდებლად რეგისტრირებულია 2 დაწესებულება და დაფინანსებულია 7 პაციენტი.

გაფართოვდა „დაავადებათა სკრინინგის“ პროგრამა. ფარისებრი ჯირკვლის კიბოს რისკის მქონე ქალებისთვის ფარისებრი ჯირკვლის კიბოს მართვის კომპონენტის განხორციელება დაიწყო. პროგრამის ფარგლებში, 25-70 წლის ქალებში ფინანსდება ფარისებრი ჯირკვლის ულტრაბგერითი გამოკვლევა, სისხლში თირეოტროპული ჰორმონის გამოკვლევა, ენდოკრინოლოგის კონსულტაცია და საჭიროების შემთხვევაში, ციტოლოგიური კვლევა. პროგრამის ფარგლებში მომსახურება გაეწია 29 237 პირს.

„ტრანსპლანტაციის“ პროგრამის ფარგლებში 70 პაციენტი დაფინანსდა

სოციალური დაცვა (06 02)

კომუნალური სუბსიდირება (06 02 01)

საანგარიშო პერიოდში პროგრამის ფარგლებში „სოციალურად დაუცველი ოჯახების მონაცემთა ერთიან ბაზაში“ ქალაქ თბილისში 200 001-მდე სარეიტინგო ქულით რეგისტრირებული ოჯახებისათვის/აბონენტებისთვის, მონაცემთა ერთიან ბაზაში მითითებულ აბონენტის ნომერზე, რომელიც კომპანიის ხელთ არსებული ინფორმაციით წარმოადგენდა სამომხმარებლო სექტორის აბონენტს, განხორციელდა ელექტროენერგიის გადასახადზე, წყლის და დასუფთავების მოსაკრებელზე სუბსიდიის დარიცხვა. სუბსიდიის გაცემა განხორციელდა წლის მანძილზე 5-ჯერადად, კერძოდ: იანვარში, თებერვლაში, მარტში, ნოემბერში და დეკემბერში.

სოციალურად დაუცველი მრავალშვილიანი ოჯახებისათვის 18 წლამდე ასაკის თითოეულ ბავშვზე ყოველთვიური დახმარება (06 02 02)

საანგარიშო პერიოდში პროგრამის ფარგლებში ყოველთვიური მატერიალური დახმარება 50 ლარის ოდენობით გაეწია საქართველოს შრომის, ჯანმრთელობისა და სოციალური დაცვის სამინისტროს სოციალური მომსახურების სააგენტოს „სოციალურად დაუცველი ოჯახების მონაცემთა ერთიან ბაზაში“ (ოჯახის სარეიტინგო ქულა 70 000 და ნაკლები) რეგისტრირებულ მრავალშვილიან ოჯახებს 18 წლამდე ასაკის თითოეულ ბავშვზე.

საანგარიშო პერიოდში ფინანსური დახმარება გაეწია საშუალოდ 4 167 ოჯახს თვეში, საშუალოდ 14 312 ბავშვზე.

სოციალურად დაუცველი ოჯახებისათვის მე-3, მე-4, მე-5 და მეტი შვილის დაბადებისათვის „ახალშობილთა“ ერთჯერადი მატერიალური დახმარება (06 02 03)

საანგარიშო პერიოდში პროგრამის ფარგლებში ფინანსური დახმარება გაეწია საქართველოს შრომის, ჯანმრთელობისა და სოციალური დაცვის სამინისტროს სოციალური მომსახურების სააგენტოს „სოციალურად დაუცველი ოჯახების მონაცემთა ერთიან ბაზაში“ (ოჯახის სარეიტინგო ქულა 100 000 და ნაკლები) რეგისტრირებულ 425 ოჯახს: მე-3 შვილის შეძენის შემთხვევაში - 800 ლარი, მე-4 შვილის შეძენისას 1 000 ლარი, ხოლო მე-5 და მეტი შვილის შეძენის შემთხვევაში 1 500 ლარი. მათ შორის: 233 ოჯახს გაეწია ფინანსური დახმარება მე-3 შვილის შეძენისათვის, 126 ოჯახს - მე-4 შვილის, ხოლო 66 ოჯახს მე-5 და მეტი შვილის შეძენისათვის.

100 წელს მიღწეულ მოქალაქეთათვის ერთჯერადი დახმარება (06 02 05)

საქალაქო სამსახურში შემოვიდა 100 წელს მიღწეული მოქალაქეთა 27 განცხადება, თითოეული მოქალაქის პირად ანგარიშზე ჩაერიცხა 1 000 ლარი, როგორც პროგრამის ფარგლებში განსაზღვრული.

„სერვის ცენტრებში სამგზავრო ბარათების დამზადება (ინიციალიზაცია)“ (06 02 06 04)

საანგარიშო პერიოდში პროგრამის ფარგლებში განხორციელდა ქ. თბილისის საჯარო და სახელოვნებო სკოლების, საბავშვო ბაღების პედაგოგების და სოციალურად დაუცველი მოსახლეობისათვის მეტროთი და ავტო-ტრანსპორტით შეღავათიანი მგზავრობით სარგებლობის 57614 ერთეული პლასტიკური ბარათის შესაბამის ბენეფიციარებზე გაცემა, მგზავრობით სარგებლობის უკონტაქტო პლასტიკური ბარათების გაცემის სერვის-ცენტრში არსებული საბეჭდი მოწყობილობებისათვის კარტრიჯებისა და საწმენდი მასალების შეძენა საერთო თანხით 1780 ლარის, ამავე საბეჭდი მოწყობილობის სათანადო ნაწილების შესყიდვა და მონტაჟი თანხით 453 ლარის, სერვის-ცენტრისთვის შეძენილი იქნა ვებ-კამერები საერთო თანხით 400 ლარი, პლასტიკური ბარათების გაცემის სერვის-ცენტრში დასაქმებულ შტატგარეშე მომსახურებებზე ხელფასის გაცემა საერთო თანხით 60 000 ლარის, ანაზღაურებული იქნა სამგზავრო ბარათების ინიციალიზაციის მომსახურება საერთო თანხით 41307 ლარის და კომუნალური ხარჯის ანაზღაურება 232,6 ლარის ოდენობით.

სამედიცინო და სხვა სოციალური საჭიროებების დახმარების ღონისძიებები (06 02 09)

საანგარიშო პერიოდში „ქალაქ თბილისის მუნიციპალიტეტის ტერიტორიაზე რეგისტრირებული საქართველოს მოქალაქეებისათვის ასევე იმ მოქალაქეებისათვის, რომლებსაც ფაქტობრივი საცხოვრებელი ადგილი გააჩნიათ თბილისში და რეგისტრირებულნი არიან სოციალურად დაუცველი ოჯახების მონაცემთა ერთიან ბაზაში

სოციალური დახმარებისა და სხვა სერვისების ხელმისაწვდომობის განხორციელების ხელშეწყობის კომისიის“ თანახმად ძირითადი მოთხოვნა დაფიქსირდა მედიკამენტების, ოპერაციული მკურნალობის და სხვა სამედიცინო მომსახურებების დაფინანსებაზე. სულ გადარიცხულია 12 719 822 ლარი. აქედან 1 875 064 ლარით დაფინანსდა 3 477 ბენეფიციარის მედიკამენტებით უზრუნველყოფა, 6 255 830 ლარით 6 327 ბენეფიციარის ოპერაციული მკურნალობა და 4 588 928 ლარით 5 864 ბენეფიციარის სხვა სამედიცინო მომსახურებები.

ომის ვეტერანთა დახმარება (06 02 10)

საანგარიშო პერიოდში „ომის ვეტერანთა დახმარება“ მიზნობრივი პროგრამის ფარგლებში, მეორე მსოფლიო ომის ვეტერანების და ამ ომში მარჩენალდაკარგულების 9 მაისის დღესასწაულის აღსანიშნავად ფინანსური დახმარების გაწევის მიზნით, სსიპ „ვეტერანების საქმეთა სახელმწიფო სამსახურიდან“ გამოთხოვილ იქნა ინფორმაცია ქ.თბილისში რეგისტრირებული, მეორე მსოფლიო ომის ვეტერანებისა და ამ ომში მარჩენალდაკარგულის სტატუსის მქონე პირების თაობაზე. მიღებული ინფორმაციის დამუშავების შედეგად, შესაბამისი სტატუსის მქონე პირებისათვის გადარიცხულ იქნა შემდეგი თანხები: 1. მეორე მსოფლიო ომის მონაწილე 224 ბენეფიციარს გადაერიცხა 600 ლარი, სულ 134 400 ლარი, 2. ამ ომში მარჩენალ დაკარგულის სტატუსის მქონე 68 ბენეფიციარს 300 ლარი, სულ 20 400 ლარი.

„სოციალურად დაუცველი 18 წლამდე შშმ ბავშვების დახმარების პროგრამა“ (06 02 22)

საანგარიშო პერიოდში სოციალურად დაუცველი 0-150 000-ის ჩათვლით სარეიტინგო ქულის მქონე 18 წლამდე ასაკის შშმ ბავშვისათვის ოჯახის უფლებამოსილი პირის სახელზე განხორციელდა მაისის და დეკემბრის თვეების კუთვნილი ფულადი დახმარების დარიცხვა 400-400 ლარის ოდენობით. მაისის თვის კუთვნილი 400 ლარი მიიღო 885 შშმ ბავშვმა, ხოლო დეკემბრისა კი-864 შშმ ბავშვმა. ასევე 222 ბავშვისათვის გაიცა 2017 წლის კუთვნილი დახმარებაც 400 ლარის ოდენობით.

„სოციალურად დაუცველი მკვეთრად შეზღუდული შესაძლებლობების მქონე უსინათლო პირების დახმარების პროგრამა“ (06 02 24)

საანგარიშო პერიოდში „სოციალურად დაუცველი ოჯახების მონაცემთა ერთიან ბაზაში“ 150 000 და დაბალი სარეიტინგო ქულით დარეგისტრირებულ მკვეთრად შეზღუდული შესაძლებლობების მქონე უსინათლო პირთათვის განხორციელდა მაისის, აგვისტოს და დეკემბრის თვეების კუთვნილი ფულადი დახმარების დარიცხვა, თვეში 300 ლარის ოდენობით. მაისის თვის კუთვნილი დახმარება მიიღო 605 უსინათლო პირმა, აგვისტოს თვის-607-მა, ხოლო დეკემბრისა კი-592 უსინათლო პირმა. ასევე 28 ბენეფიციარისთვის გაიცა 2017 წლის კუთვნილი დახმარებაც 300 ლარის ოდენობით.

სოციალურად დაუცველ ოჯახებში ყველა ახალშობილზე ერთჯერადი დახმარება (06 02 25)

საანგარიშო პერიოდში პროგრამის ფარგლებში ფინანსური დახმარება გაეწია საქართველოს შრომის, ჯანმრთელობისა და სოციალური დაცვის სამინისტროს სოციალური მომსახურების სააგენტოს „სოციალურად დაუცველი ოჯახების მონაცემთა ერთიან ბაზაში“ (ოჯახის სარეიტინგო ქულა 100 000 და ნაკლები) რეგისტრირებულ 697 ოჯახს, რომელთაც შეეძინათ ახალშობილი.

შინმოვლის თანადაფინანსება (06 02 26)

საანგარიშო პერიოდში პროგრამის ფარგლებში პარტნიორი ორგანიზაციების მიერ ხორციელდებოდა „სოციალურად დაუცველი მოსახლეობის მონაცემთა ერთიან ბაზაში“ 200 000 და ქვევით სარეიტინგო ქულით რეგისტრირებული თბილისში მცხოვრები ოჯახებისათვის მარტოხელა, საწოლსმიჯაჭვული პირების (ბარათელის უძღურების შეფასების ინდექსი ≤ 95) დახმარება - შინმოვლა. საანგარიშო პერიოდში განმახორციელებლის მიერ წარმოდგენილი წერილობითი ანგარიშის საფუძველზე ანაზღაურებული იქნა საანგარიშო პერიოდში შესრულებული სამუშაოს ღირებულება: „დიაკნის ევანგელურ ლუთერული საზოგადოებისათვის“ - 27591.37 ლარი, „საქართველოს კარიტასისათვის“ - 160968.85 „ჩერნოვეცის ფონდისათვის“ - 190626.74 პროგრამაში ჩართული პირველადი ჯანდაცვის დაწესებულებებისათვის - 13248.00 ლარი.

შეზღუდულ შესაძლებლობათა მქონე პირთა საზოგადოებაში ინტეგრაციის ხელშეწყობა (06 02 28)

საანგარიშო პერიოდში პროგრამის ფარგლებში შტატგარეშე მოსამსახურეთა ხელფასის ანაზღაურებამ შეადგინა 36 813.63 ლარი. დამატებით საანგარიშო პერიოდში ხარჯები გაწეულია: 18 წლის ასაკის ზემოთ ქალაქ თბილისში მცხოვრები შშმ პირებისათვის, რომლებიც სარგებლობენ დღის ცენტრების (10 დღის ცენტრი) მომსახურებით, მომსახურების 25% დაფინანსება; ა(ა)ი.პ თავისუფალი პედაგოგიკის ცენტრი - 4601.5 ლარი; ა(ა)ი.პ კავშირი ია - 2497 ლარი; ა(ა)ი.პ ასოციაცია ანიკა - 7548.75 ლარი; ა(ა)ი.პ ბავშვი, ოჯახი, საზოგადოება - 5 338 ლარი; ა(ა)ი.პ კავშირი ადამიანები განსაკუთრებულ ზრუნვას რომ საჭიროებენ - 16 016 ლარი; ა(ა)ი.პ მშობელთა ხიდი - 6 234.25 ლარი; ა(ა)ი.პ საქართველოს ყრუთა კავშირი - 869 ლარი; ა(ა)ი.პ სმენისა და მეტყველების დარღვევის მქონე ბავშვების დახმარების ასოციაცია - 1 842.5 ლარი; ა(ა)ი.პ საქართველოს ფსიქიკური ჯანმრთელობის ასოციაცია - 6 954.75 ლარი, ა(ა)ი.პ რეაბილიტაციის ცენტრი აისი - 7 526.75 ლარი;

კომისიამ მოისმინა ჯანდაცვის და სოციალური მომსახურების საქალაქო სამსახურის ანგარიში და დადებითად შეაფასა როგორც პროგრამების მიმდინარეობა, ისე საქალაქო სამსახურის მიერ 2018 წელს შესრულებული სამუშაო.

წინო ლაცაბიძემ გამოთქვა მოსაზრება დაიბეჭდოს საინფორმაციო ფლაერები, ბროშურები გამგებობებისთვის და საუბნო განყოფილებებისთვის ჯანდაცვისა და სოციალური პროგრამებით სარგებლობის შესახებ.

კომისიის თავმჯდომარემ მიზანშეწონილად ჩათვალა კომისია გაეცნოს ა(ა)იპ „თბილისის გადამდებ დაავადებათა ეპიდზედამხედველობისა და კონტროლის მუნიციპალური ცენტრის

საქმიანობას დეტალურად, რისთვისაც უნდა ჩაინიშნოს სამუშაო შეხვედრა ცენტრის ხელმძღვანელთან.

კომისიის თავმჯდომარემ და წევრებმა გამოხატეს მზაობა და სურვილი, რომ კომისიამ დაგეგმოს შეხვედრა მსხვილი ფარმაცევტული კომპანიის წამომადგენლებთან, რათა მომავალში მათი მხრიდან თანხმობის შემთხვევაში თბილისის ბიუჯეტიდან დაფინანსებული მედიკამენტები (მუნიციპალური პროგრამების ფარგლებში) მოქალაქეებმა მიიღონ შეღავათიან ფასებში.

კომისიის თავმჯდომარემ სხდომა დახურულად გამოაცხადა.

ჯანმრთელობის დაცვის და სოციალურ
საკითხთა კომისიის თავმჯდომარე



გიორგი ბირბიჩაძე